

ORDINIS MEDICI IENENSIS

H. T.

EX-DECANVS

ERNEST. ANTONIVS NICOLAI

DISSERTATIONEM INAUGVRALEM

PRAENOBILISSIMI MEDICINAE DOCTORANDI

MICHAELIS LVDOVICI WITTWERK

GEDANENSIS

DIE IV OCTOB. MDCCCXXIII.

PVBLICE HABENDAM

INDICIT

PRAEMISSA COMMENTATIONE

DE


VSV AQVAE FRIGIDAE EXTERNO.

II.

IENAE

TYPIS STRANCKMANNIANIS.



 Pergam in casuum, quibus usus aquae externus profuit, enarratione praecedente coepta programmate. Furorem et maniam glacie capiti imposita, aqua frigida capiti infusa, fomentis ex ea factis capitiq̃ue applicatis et balneis frigidis sanatam esse, observationibus compertum est, quas adduxi in libro, quem inscripsi *Recepte und Curarten*. Experientissimum D. D. HAHN eodem modo in Silesia plurimos curasse maniacos Celeberrimus THEDEN ^{a)} refert, qui etiam ipse eius auctoritate adductus maniacum quendam balnei frigidi ope, inprimis vero glacie capiti imposita, in integrum restituit. Egregiam utilitatem, quam prae-

a) *Neue Bemerkungen und Erfahrungen* 1776. Berlin S. 142, et seq.

praestat usus aquae frigidae in furore uterino, probat casus iste, quem mihi retulit Vir Excellentissimus artisque medicae et chirurgicae exercitio maxime celebris D.D. WEINECK, Serenissimi Ducis Saxo - Coburgensis et Saalfeldensis Consiliarius et Archiater, Medicus ordinarius et Physicus Ptochotrophei Leuchtenburgensis de foemina, nobili genere nata, florentis aetatis, viginti sex annos natae, libidini et simul studio pietatis valde deditae, ita, ut animus affectibus valde sibi repugantibus agitaretur. Amore infano incensa omnem ponebat pudorem, canebat carmina fescennina, inepta ac stulta faciebat et loquebatur a decore et honestate aliena gestusque agebat, qui libidinem prodebant, quorum omnium eam ad se redeuntem post maxime poenitebat, et conscientia ita excruciebat, ut summis conficeretur angoribus et de salute aeterna desperaret. Nimius eius amor saepius in furorem abibat, quo non memorata solum salacitatis indicia manifestabat, sed vehementibus etiam convulsionibus agitabatur, ut aliquot robusti homines ad eam continendam at coercendam vix sufficerent, facies rubore perfusa, aspectus horridus, oculi sanguine suffusi truces et feroces, pulsus admodum vehemens et celer, maxime durus et tensus, sanguinis motus aestus et rarefactio ingens, ac omnes fere partes in maximo motu constitutae animadvertiebantur. Hic

paroxyfinus singulis diebus ter vel quater redibat. E vena ſecta multum ſanguinis eſt miſſum et remedia antiphlogiſtica omniaque, quae prodeſſe credebuntur, adhibita fuerunt, ſed ſine omni ſucceſſu. Tandem omnibus fruſtra tentatis incidit modo laudatus D. D. WEINECK in uſum aquae frigidae, quam instrumenti ope ter quater vel quinquies de die in anum et vulvam injici ac fomentorum forma capiti raſo, partibus genitalibus et abdomini applicari juſſit, ita, ut toties fomenta frigida, quoties caleſcebant, nova aqua frigida imbuerentur ac imbuta applicarentur, quo aquae frigidae uſu furor uterinus feliciter fuit curatus. Neque in hoc rerum ſtatu, ubi inflammatio, ſaltim in partibus genitalibus, aut adfuit aut inſtitit, aut, ſi nullam inflammationem aſſumere placet, aeſtus tamen, motus ſanguinis et rarefactio maxima fuerunt, aqua frigida iterum iterumque quocunque modo applicata nullum praeſtantius inveniri potuit remedium, quia aeſtum, ſanguinis motum et rarefactionem egregie temperat, vaſa roborando et conſtringendo inflammationes diſcutit, et, ſi qua pars ex topica debilitate ſaepeius inflammatur, aqua frigida maxime conducit. Illuſtris SARCONE *b*) ad varios provocat caſus, ubi in pecto-

b) Geſchichte der Krankheiten von Neapel 1770. p. 208. 224. Tom. III. §. 837. et Tom. I. §. 236. 264.

pectoris et pulmonis inflammationibus epithemata ex nive, aqua nivis et gelida pectori, ac in hepatis et ventriculi inflammatione, praesertim rheumaticae indolis, abdomini impositis summo cum fructu adhibita fuerunt et Clarissimus HAHN *c)* ex aqua frigida et glacie pectori applicatis quendam pulmonis inflammatione correptum magnum sensisse levamen narrat. Celeberrimus THEDEN *d)* erysipelaceas inflammationes praemissa venae sectione aqua frigida applicata feliciter curavit, id quod etiam optimo cum successu fecit Clarissimus D. D. BOENNECKEN *e)* qui historias nonnullas addit, ubi erysipelas iam iam exulceratum aqua fluviali fugavit. Placuit haec praemittere occasione actus sollemnis publice intimandi

PRAENOBLISSIMI MEDICINAE
DOCTORANDI
MICHAELIS LUDOVICI WITTEWERK
GEDANENSIS,

qui sequens curriculum vitae et studiorum exhibuit:

Ego

c) l. c. p. 116.

d) Neue Bemerkungen und Erfahrungen zur Bereicherung der Wundarzneykunst und Medicin S. 147. 148.

e) Fränk. Sammlung. 5ter Band. 44. St.



Ego MICHAEL LYDOVICVS WITTEWERK primam huius universi lucem adspexi Gedani, anno millesimo septingentesimo quinquagesimo nono, die vigesimo primo Iunii. Patrem veneror MICHAELEM WITTEWERK, Doctorem medicinae civemque urbis Gedanensis dignissimum, matrem ELISABETH RAHEL ex stirpe GORZV-CHOWSKIANA, nunc inter coelites triumphantem. Optimi hi parentes omnem adhibuerunt operam, ut a primis statim pueritiae annis religionis christianae praeceptis et litteris humanioribus imbuerer. Hunc in finem privata dignissimorum virorum instructione prima ieci fundamenta, donec satis instructus in Gymnasium illustre, quod Gedani floret, me contuli, ibique praelectiones celeberrimorum virorum STRAVSII, SENDELII, BARTHOLDI, COSAK et maxime reverendi VERPOORTENII frequentare, quibus pro singulâri in me benevolentia maximas, quas mente concipere possum, habeo gratias. Sic ad altiora praeparatus anno millesimo septingentesimo septuagesimo nono Ienam me contuli et a summe reverendo GRIESBACH, fascis tunc academiae tenente, in numerum civium academicorum sum receptus. Primum praelectiones philosophicas Illustris VLRICH, mathematicas Illustris WIDEBURG, et physicas Illustris SVCCOW, maximo cum fructu et summa cum voluptate frequentavi. In medicina forensi Illustris NICOLAI, in pathologia, semestica, historia medicina, therapia tam generali quam speciali Illustris GRVNERVM audiavi, fautorem ac praeceptorem meum summopere colendum, ex cuius ore has doctrinas hausisse mihi vehementer gratulor. In anatomia et arte obstetricia nec non in historia naturali Illustris LOPER me erudit. Ex praelectionibus
Excel-

Excellentissimi STARKII ad cineres usque venerandi in physiologiam, materiam medicam, pathologiam, therapiam generalem, artem formulas conscribendi medicas, et praxin clinicam insignes consequutus sum fructus, cuius sub auspicio quoque praxin artis obstetriciae in nosocomio obstetricio per annum exercui, nec non collegium disputatorium, quod sub dignissimi huius viri praesidio floret, frequentavi. In chirurgia tam manuali quam medica Excellentissimum HALLBAVERVM ducem habui, et denique Experientissimi Dm. D. SCHENKII chemiam physico-experimentalem, osteologiam et botanicam docentis fui auditor. Omnibus praeceptoribus meis maximas, quas possum, gratias ago; iisque omnem salutem ac prosperitatem precari nunquam omittam.

Postquam examina cum laude fastinuit, unanimi consensu dignum censuimus, qui summis in arte nostra, quos petiit, honoribus exornaretur. Ad quos rite capeffendos die IV Octobris dissertationem suam inauguralem de *causis maniae et melancholiae dubiis in medicina forensi caute admittendis* Praefide Viro illustri excellentissimo atque experientissimo CHRISTIANO GODOFREDO GRVNERO, Serenissimi Ducis Saxo-Vinariensis ac Isenacensis Consiliario Aulico, Botanices et Theoriae medicae Professore publico ordinario Academiae Caesareae Naturae Curiosorum et Moguntinae scientiarum
utilium



*utilium nec non societatis academicae principalis Hassiacae
sodali rel. publice defendet. Vos autem, MAGNI-
FICE ACADEMIAE PRO-RECTOR, COMITES IL-
LUSTRISSIMI, PATRES ACADEMIAE CONSCRIPTI,
PROCERES VTRIVSQUE REIPUBLICAE GRAVISSIMI,
GENEROSISSIMI AC NOBILISSIMI COMMILITONES,
HOSPITES OMNIVM ORDINVM LITTERARVMQVE
PATRONI AC FAVTORES HONORATISSIMI, quo
decet ac par est, honoris cultu atque humanitate
rogo atque obtestor, vt vestra perhonorifica prae-
sentia hunc actum exornetis. Quem favorem et
ordo noster et Praestantissimus Dominus Candidatus
aestimabunt decentissime mutuisque officiis, data oc-
casione, inserviendi animum declarabunt. P. P. Ienae,
die xxx Septembris, MDCCCLXXXIII.*

